

զոպուում են բռնաւոր պարսիկներից, խաներից և լեզգիներից:

Վերջին խանը լինում է Մուստաֆան, որ Աղա Մուհամմատ շահի Ղարաբաղում 1795 թ. սպանելուց յետոյ, քաղաքը Աղսու անուանուած տեղից տեղափոխում է Ֆիթղաղ, ուր լեռնոտ լինելով՝ ապահովում է քաղաքը: Հին Չամախի քաղաքը Աղսու տեղափոխելու պատճառը վերաբերում են Չահթահմաղ Ղուլի խանին, որ և կոչւում էր Նատիր Չահ, 1736 թ., որ դայրացած լինելով Չամախի քաղաքի բնակիչների վերայ՝ որոնց՝ փոխանակ սրոյ ճարակ տալոյ՝ տեղափոխել է Աղսու՝) անունով գիւղը, որ իրանք իրանց կոտորվին օղի և ջրի վատութիւնից: Աղսուն օղով, ջրով և կլիմայով շատ վնասակար է որպէս և այժմս իսկ. միշտ բնակիչները որովայնը ուռած փքուած և պարանոցները տանձի կոթի նման բարակած. միշտ դեղնած դունատուած են մարդիկ և սակաւակեաց. մինչև այժմս էլ առած է Չամախում, որ հիւանդ, նիհար, դեղնած, պարանոցը (վիզը) բարակած, որովայնը փքուած մարդու համար ասեն. «Աղ հինչ աս իլալ. Աղսուեցի քի շմս»:

Մուստաֆա խանը երբ հին Չամախի քաղաքը Աղսուից տեղափոխում է Ֆիթղաղ, որ բարձրաւանդակ, լեռնոտ և թըշնամիներից ապահով տեղ է, որ գտանվում է Կովկասեան լեռանց շղթաներում, որ մերձաւորապէս 40 վերստաչափ հեռաւորութիւն ունի հին Չամախի քաղաքից, բնակիչների հետ միասին տեղափոխվում է այն տեղ և խան Պօղոս բէգը, ուր բաց է անում իւր մետաքսեայ գործարանը<sup>2)</sup> և իւր գործակատարների միջոցաւ մեծ քանակութեամբ մետաքսեայ գործուածներ է ուղարկում Ռուսաստան, Տաճկաստան, Պարսկաստան և Հընդկաստան: Ուղարկում է Ռուսաստան մեծ քանակութեամբ և տո-

1) Տես Արբանամ կաթուղիկասի պատմութիւնը և գրքիս մէջ յերես 273

2) Մինչև ցայսօր էլ խան Պօղոսի գործարանը գործում է Բասխալ գիւղում Ֆիթղաղի մօտ, ինչպէս և Չամախի քաղաքում: